

HOËRSKOOL



VREDENDAL

Posbus 185
VREDENDAL
8160
Tel: 027 213 1050
Faks: 027 213 1050

GESTIG 1938

Grensstraat 8
VREDENDAL
8160
admin@hsvdal.co.za
skoolhoof@hsvdal.co.za

23 Oktober 2023

Uit die kantoor

Leerders beloon vir hulle harde werk

Ons het op 19 Oktober ons jaarlikse prysuitdeling gehou en leerders wat op die verkillende gebiede presteer het, beloon. Baie ouers en oudskoliere wat die skool na die tyd gekontak het, was beïndruk met die gehalte werk van die leerders, onderwysers en buiteafrigters.

Op kultuurgebied was daar verskeie uitstekende prestasies, maar uiteindelik is Christiaan van Wyk as die junior – en San-Mari Turner as die senior kultuurwenners aangewys. Beide hierdie leerders behaal gereeld dubbelgoue toekennings by Eisteddfods vir sang, poësie, prosa, prose en poetry ,maar is ook aktief betrokke by die koor, redenaars, toneel en die skoolkoerant.

Die skool het ook 'n besige sportjaar agter die rug en ook hier was daar leerders wat briljant presteer het. Die junior sportman was WJ Weideman wat as veelsydige sportman vir hom naam gemaak het as atleet, rugby- en krieketspeler . Liandré de Waal is aangewys as junior sportvrou vir haar prestasies op die netbalbaan sowel as haar podiumplek in atletiek by die Bolandbyeenkoms. Die senior sportman van die jaar was Khyle Machelm wat veral op die atletiekveld in driesprong vir hom naam gemaak het en as Bolandatleet deurgedring het tot die SA's. Hy het ook vir beide die eerstespanne krieket en rugby gespeel. Die sportvrou van die jaar was 'n uitgemaakte saak, want dit is nie aldag dat die skool met 'n atleet van die formaat van Anli Engelbrecht, ons SA-atleet, kan spog nie. Dan het sy buiten haar atletiekprestasies ook op die netbalbaan uitgeblink en Wes-Kaap verteenwoordig.

Dit is reeds etlike jare dat Hoërskool Vredendal gereken word as een van die top Afrikaansmediumskole in die Wes-Kaap en is hierdie siening onderstreep deur 'n reeks briljante prestasies vanaf graad 8 tot 12. So byvoorbeeld slaag San-mari Turner graad 10 met 'n gemiddelde persentasie van 94,3% en Jan-Hendré Spamer graad 11 met 'n gemiddeld van 90,8% . Ons hoogste akademiese toekenning, die van Dux-leerder ,het vanjaar gegaan aan LP Engebrect wat gedurende graad 11 en 12 'n gemiddeld van 86,25 % gehandhaaf het.

Die nuwe VRL vir 2024 is ook gedurende die geleentheid aangewys. Die hoofleiers vir 2024 is Jan-Hendré Spamer en Bianca Coetzee.

Voeg 'n mens by bogenoemde die gehalte Daller-leerder wat jaarliks die samelewing betree, is daar oorgenoeg bewyse dat Hoërskool Vredendal 'n skool van uitnemendheid is.



Hoofleiers 2024: Bianca Coetzee & Jan-Hendré Spamer



Dux-leerder: LP Engelbrecht

Krieket

Op Maandag, 16 Oktober het ons eerste en tweede krieketspanne teen Lutzville gespeel. Die eerste span het op Lutzville gespeel en wen die wedstryd met 31 lopies. Man van die wedstryd was Adriano Maarman wat 40 lopies geslaan het en ook 4 paaltjies laat kantel het. Die tweede span het tuis gespeel en verloor ongelukkig die wedstryd met 14 lopies. Baie geluk aan Tica le Roux en Lenay Schade wat paaltjies gevat het asook aan elkeen se bydrae tot die span. Ons is baie trots op julle.



Tennis

Op Maandag, 16 Oktober het ons eerste en tweede tennisspanne teen Augsburg gespeel in 'n warm en taai Clanwilliam. Daniël Koegelenberg het uitstekend gedoen met sy wedstryd, hy het 1-4 agtergeloop en teruggeveg om die wedstryd 6-4 te wen. Ongelukkig kon nie een van die spanne wen nie, maar ons is weer in 'n boufase en kan ons uitsien na 'n toekoms met kwaliteituitslae. Baie geluk aan elke tennisspeler.





Dans

Minke Cronje van Annelie's Dance Academy het op 28 September 2023 te Sasolburg deelgeneem aan Talent Africa se Nationals Kompetisie.

Sy het reeds haar Provinciale kleure vroeër vanjaar ontvang.

Minke behaal die volgende:

Minke Akro Solo: Goud

Minke en Sunette Akro Duet: Goud

Minke Akro Groepdans (Brotsjor): Platinum

Minke kwalifiseer om Suid-Afrika oorsee te verteenwoordig in 2024. Sy kan New York of Spanje toe gaan. Sy ontvang haar SA-kleure vir dans indien sy oorsee gaan deelneem en Suid-Afrika verteenwoordig.



Perdry

André van Rhyn het vanaf 30 September tot 2 Oktober aan 'n polocrosse toernooi te George deelgeneem. Hy en sy span het in totaal tweede plek behaal en in geheel vierde plek. Die punte was as volg:

Chukka 1: 3-2 gewen

Chukka 2: 1-1 gelyk

Chukka 3: 3-1 gewen

Chukka 1: 2-3 verloor

Chukka 2: 2-1 gewen

Chukka 3: 2 -1 verloor

